



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-407-3/25**
Datum: **20.10.2025. godine**

„Agencija za vodno područje rijeke Save“ Sarajevo rješavajući po zahtjevu Općine Tešanj za donošenje rješenja o vodnoj saglasnosti za uređenje obala rijeke Usore na tri lokacije u naselju Kalošević, općina Tešanj, na osnovu člana 109. stav (1) tačka 14. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22) donosi

R J E Š E N J E **o vodnoj saglasnosti**

1. Općini Tešanj daje se vodna saglasnost za uređenje obala rijeke Usore na tri lokacije u naselju Kalošević, općina Tešanj, na lokalitetu uzvodno od mosta: od brane kod mlina Mevića do postojeće obaloutvrde (označeno kao: Dionica 1 - lijeva obala u dužini 130m) i lokalitetu nizvodno od mosta: od postojeće obaloutvrde do brane u dužini cca 500m (označeno kao: Dionica 2 - lijeva i desna obala u dužini 586m), a u cilju poboljšanja uslova tečenja i sprječavanja štetnog djelovanja voda, na osnovu tehničke dokumentacije:
 - *Glavni projekat – Zaštita obala rijeke Usore u naselju Kalošević na četiri lokacije, ukupne dužine 1500m, općina Tešanj, urađen od strane „HIGRACON“ d.o.o. Sarajevo, septembar 2019. godine te revidovan od strane „IPSA INSTITUT“ d.o.o. Sarajevo, decembar 2019. godine.*
- Ova vodna saglasnost može se koristiti isključivo u postupku pribavljanja odobrenja za građenje, a u skladu sa Zakonom o prostornom uređenju i građenju Zeničko-dobojskog kantona.
2. Vodna saglasnost se donosi na osnovu pregleda dostavljene tehničke dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja.
3. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Sve radove na uređenju lijeve obale rijeke Usore u naselju Kalošević na lokalitetu uzvodno od mosta: od brane kod mlina Mevića do postojeće obaloutvrde, (označeno kao: Dionica 1 - lijeva obala u dužini 130m) i lokalitetu nizvodno od mosta: od postojeće obaloutvrde do brane u dužini cca 500m, (označeno kao: Dionica 2 - lijeva i desna obala u dužini 586m), općina Tešanj u cilju poboljšanja uslova tečenja i sprječavanja štetnog djelovanja voda izvesti u skladu sa ovjerenom tehničkom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova, a u skladu sa uslovima iz ove vodne saglasnosti.
 - 3.2. Korisnik vodne saglasnosti je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Korisnik vodne saglasnosti je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.5. U toku izvođenja predmetnih radova, iskopani materijal i nastali otpad se ne smije ni privremeno odlagati na zemljišnu česticu „vodno dobro“, odnosno unositi u vodotok i na njegove obale.
 - 3.6. U toku izvođenja radova, neophodno je poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanje kvaliteta vode i dr).
 - 3.7. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu

- locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.8. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.9. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
 - 3.10. Nakon završetka radova na predmetnom lokalitetu u naselju Kalošević neophodno je radni pojas koji uključuje korito, inundacioni pojas i obale rijeke Usore urediti i očistiti od gradilišnog i drugog otpada.
 - 3.11. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 06-19-1-686/25 izdatog dana 29.08.2025. godine od strane Službe za katastar, urbanizam i imovinsko-pravne poslove Općina Tešanj.
 - 3.12. Sve eventualne kolizije sa postojećim infrastrukturnim objektima (instalacije vodovoda i kanalizacije, elektro i sl.) na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatora koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju obala rijeke Usore u naselju Kalošević na tri lokacije u naselju Kalošević, općina Tešanj, na lokalitetu uzvodno od mosta: od brane kod mlina Mevića do postojeće obaloutvrde, (označeno kao: Dionica 1 - lijeva obala u dužini 130m) i lokalitetu nizvodno od mosta: od postojeće obaloutvrde do brane u dužini cca 500m, (označeno kao: Dionica 2 - lijeva i desna obala u dužini 586m) ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala rijeke Usore ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
 5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
 6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
 7. Kada period izvođenja radova bude tačno preciziran, korisnik vodne saglasnosti ostaje u obavezi da najmanje sedam dana ranije obavijesti Udruženje sportskih ribolovaca „BLINKER“ Kalošević - Tešanj, koje je korisnik ribolovnog prava na ovom ribolovnom području, o početku izvođenja radova u koritu rijeke Usore na predmetnim lokalitetima u naselju Kalošević.
 8. Ukoliko se prilikom izvođenja zemljanih radova pojavi višak materijala iz iskopa, a koji ne bude iskorišten za predmetne radove na uređenju korita rijeke Usore na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora i Nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka („Službene novine Federacije BiH“, broj 58/15).
 9. Korisnik vodne saglasnosti je dužan da prije početka izvođenja radova u saradnji sa nadležnim službama Općine Tešanj riješi imovinsko pravne odnose na lokalitetima izvođenja radova, na mjestu formiranja privremenih gradilišta, pristupnim putevima i deponijama za odlaganje nanosa i materijala izvađenog iz korita.
 10. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
 11. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na uređenju/čišćenju korita rijeke Usore u skladu sa tehničkom dokumentacijom iz tačke 1. dispozitiva ovog rješenja.
 12. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Općina Tešanj podnijela je ovoj Agenciji dana 24.09.2025. godine zahtjev za izdavanje vodne saglasnosti za aktivnosti na uređenje obala rijeke Usore na tri lokacije u naselju Kalošević, općina Tešanj, na lokalitetu uzvodno od mosta: od brane kod mlina Mevića do postojeće obaloutvrde, (označeno kao: Dionica 1 - lijeva obala u dužini 130m) i lokalitetu nizvodno od mosta: od postojeće obaloutvrde do brane u dužini cca 500m, (označeno kao: Dionica 2 - lijeva i desna obala u dužini 586m), a u cilju poboljšanja uslova tečenja i sprječavanja štetnog djelovanja voda na osnovu tehničke dokumentacije: Glavni projekat – Zaštita obala rijeke Usore u naselju Kalošević na četiri lokacije, ukupne dužine 1500m, općina Tešanj, urađen od strane „HIGRACON“ d.o.o. Sarajevo, septembar 2019. godine, a u postupku izdavanja odobrenja za građenje.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Kopija Uvjerenja o poreznoj registraciji izdatog dana 20.01.2011. godine od strane Porezne uprave - Kantonalni ured Zenica,
- Kopija Statuta Općine Tešanj („Službeni glasnik Općine Tešanj“, broj:11/07),
- Saglasnost za izvođenje radova na korita rijeke Usore u naselju Kalošević broj: 09-34/25 izdata dana 22.09.2025. godine na traženje Službe za društvene djelatnosti i investicije Općina Tešanj od strane Udruženja sportskih ribolovaca „BLINKER“ Kalošević-Tešanj,
- Kopija Rješenja o urbanističkoj saglasnosti broj: 06-19-1-686/25 izdatog dana 29.08.2025. godine od strane Službe za katastar, urbanizam i imovinsko-pravne poslove Općina Tešanj,
- Glavni projekat – Zaštita obala rijeke Usore u naselju Kalošević na četiri lokacije, ukupne dužine 1500m, općina Tešanj, urađen od strane „HIGRACON“ d.o.o. Sarajevo, septembar 2019. godine te revidovan od strane „IPSA INSTITUT“ d.o.o. Sarajevo, decembar 2019. godine.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na uređenju obala rijeke Usore na tri lokacije: od brane kod mlina Mevića do postojeće obaloutvrde, (označeno kao: Dionica 1 - lijeva obala u dužini 130m) i lokalitet nizvodno od mosta: od postojeće obaloutvrde do brane u dužini cca 500m, (označeno kao: Dionica 2 - lijeva i desna obala u dužini 586m), izrađena je projektna dokumentacija: „*Glavni projekat – Zaštita obala rijeke Usore u naselju Kalošević na četiri lokacije, ukupne dužine 1500m, općina Tešanj*“. Projektna dokumentacija urađena je od ovlaštenog projektanta „HIGRACON“ d.o.o. Sarajevo, septembar 2019. godine.

Dostavljena projektna dokumentacija iz tačke 1. dispozitiva Rješenja urađena je u skladu sa uslovima datim u Rješenju o prethodnoj vodnoj saglasnosti broj: UP-1/21-1-40-025-4/25 donesenom dana 05.03.2025. godine od strane ove Agencije, a za aktivnost na uređenju obala rijeke Usore na tri lokacije u naselju Kalošević u ukupnoj dužini od 1281m u cilju poboljšanja uslova tečenja i sprječavanja štetnog djelovanja voda, te je shodno članu 114. Zakona o vodama, upisivanjem broja i stavljanjem otiska pečata ove Agencije na tehničku dokumentaciju data vodna saglasnost na istu.

Urbanističke uslove za uređenje obala rijeke Usore na tri lokacije: od brane kod mlina Mevića do postojeće obaloutvrde, (označeno kao: Dionica 1 - lijeva obala u dužini 130m) i lokalitet nizvodno od mosta: od postojeće obaloutvrde do brane u dužini cca 500m, (označeno kao: Dionica 2 - lijeva i desna obala u dužini 586m), podnosiocu zahtjeva je kroz Rješenje o urbanističkoj saglasnosti izdala Služba za katastar, urbanizam i imovinsko-pravne poslove Općina Tešanj.

U tehničkoj dokumentaciji su priloženi opisi i nacrti uobičajeni za ovaj nivo dokumentacije (za dionicu 1 i dionicu 2 posebno - situativni prikazi projektnog rješenja M 1:500; uzdužni profili M 1:100/1000; normalni profil M 1:100; poprečni profili u mjerilu M1:100 (za dionicu 1 od PP1 do PP4; za dionicu 2 od PP1 do PP13).

Aktivnosti na uređenju obala rijeke Usore na tri lokacije: od brane kod mlina Mevića do postojeće obaloutvrde, (označeno kao: Dionica 1 - lijeva obala u dužini 130m) i lokalitet nizvodno od mosta: od postojeće obaloutvrde do brane u dužini cca 500m, (označeno kao: Dionica 2 - lijeva i desna obala u dužini 586m), podrazumijeva radove na uređenju obale u skladu sa usvojenom varijantom 1 normalnog profila (kameni nabačaj, nagib kosine 1:1.5, visina oblaganja 2.5m, humuzirana kosina iznad kamene obloge) i uklapanjem u ranije izvedenu obaloutvrdu. Uređenjem obala rijeke Usore u naselju Kalošević na predmetnim dionicama obezbjeđuje se proticajni profil, stabilizacija obala i sprječava se štetno djelovanje voda, a sve u cilju smanjenja nastanka šteta od poplava i zaštite lokalnog stanovništva i njihove imovine.

Na temelju utvrđenog činjeničnog stanja i dostavljene dokumentacije, a u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. Zakona o vodama i članom 17. stav (1), tačka 13. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj 31/15, 55/19, 41/20 i 63/22), riješeno je kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 60 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.


Obrađivač akta:

Munir Trako, dipl.ing.građ.

Prilog:

- Ovjerena projektna dokumentacija: Glavni projekat – Zaštita obala rijeke Usore u naselju Kalošević na četiri lokacije, ukupne dužine 1500m, općina Tešanj, urađen od strane „HIGRACON“ d.o.o. Sarajevo, septembar 2019. godine (original + kopija)

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- Općina Tešanj (prilog)
Trg Alije Izetbegovića br 1, 74260 Tešanj
- AVP Sava, ISV - vodna knjiga
- Sektor 40 – arhiva
- Oglasna ploča AVP Sava